

Na osnovu člana 90. Zakona o javnim nabavkama („Službeni glasnik BiH“, broj 39/14), člana 7. tačka b) Pravilnika o postupku direktnog sporazuma («Službeni glasnik BiH» br. 90/14) i dostavljene br. 37-ZOP-0206/17 od 19.06.2017.godine zaključuje se

UGOVOR O JAVNOJ NABAVCI USLUGA

između:

1. **JU "KANTONALNI CENTAR ZA SOCIJALNI RAD"**, ulica Gatačka broj 80., Sarajevo, koju zastupa Direktor Mr.sci Adnan Podžo (u daljem tekstu: **Naručilac**)
- i
2. **"DSC" d.o.o. Agencija za zaštitu ljudi i imovine Sarajevo**, ul. Ante Fijamenga 14b, 71000 Sarajevo, ID Broj: 4200144230004, PDV Broj: 200144230004, koju zastupa direktor Branka Baltić (u daljem tekstu **Izvršilac**)

Član 1.

Predmet ovog Ugovora je pružanje usluga **ispitivanja i atestiranja protivpožarne zaštite i servisiranje i obuka zaposlenika** za potrebe JU "Kantonalni centar za socijalni rad".

Ponuda Izvršioca br. 37-ZOP-0206/17 od 19.06.2017. godine je osnov za zaključivanje ovog Ugovora i sastavni je dio istog.

Član 2.

Cijena predmetnih usluga za ugovoreni period iznosi: **5.968,00 KM bez PDV-a, odnosno 6.982,56 KM, sa uključenim PDV – om.**

Član 3.

Izvršilac se obavezuje izvršiti Periodični pregled vatrogasnih aparata 2X u toku trajanja ugovora, Kontrolno ispitivanje vatrogasnih aparata 1X u toku trajanja ugovora, Periodični pregled i ispitivanje hidrantske mreže 2X u toku trajanja ugovora, Protivpožarni konsalting za sve Službe JU „Kantonalni centar za socijalni rad“ i obuku zaposlenika iz oblasti zaštite od požara, a sve prema količinama navedenim u specifikaciji Ponude od 19.06.2017. godine.

Izvršilac je dužan ukoliko identifikuje kvar na opremi koja je predmet pregleda i ispitivanja, odmah a najkasnije u roku od 24 sata, dostaviti ponudu cijene za rezervni dio koji je neophodno zamijeniti ili kvar otkloniti. Ugovorni organ zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. Ukoliko je cijena rezervnog dijela realna tržišna cijena, Ugovorni organ prihvata ponudu ponuđača.

Član 4.

Osnov za plaćanje usluga iz predmeta ugovora su fakture koje će Izvršilac dostavljati nakon izvršenih usluga.

Naručilac se obavezuje da će iznose po fakturama za izvršene usluge plaćati na račun Izvršioca, u roku od 30 (trideset) dana od datuma dostavljanja računa.

Član 5.

Ugovorne strane mogu ovaj Ugovor raskinuti ukoliko se jedna od ugovornih strana ne bude pridržavala odredaba istog, kao i slučajevima utvrđenim zakonom uz prethodno podmirenje svih obaveza nastalih po osnovu odredaba ovog Ugovora.

Član 6.

Za sve odnose koji nisu utvrđeni ovim Ugovorom, a proisteknu prilikom njegove primjene, koristit će se odgovarajuće odredbe relevantnih Zakonskih i podzakonskih akata.

Član 7.

Ugovor se zaključuje na period do **31.12.2017.godine**.


Član 8.

Ugovorne strane su saglasne da će eventualno nastale sporove iz osnova ovog Ugovora rješavati mirnim putem, a ukoliko to ne bude moguće, za rješavanje istih nadležan je sud u Sarajevu.

Član 9.

Ovaj Ugovor je sačinjen u 4 (četiri) istovjetna primjerka od kojih sva ugovorna strana zadržava po dva (2) primjerka.

NARUČILAC
DIREKTOR


Mr. scí Adnan Podžo

Broj: **35/X-02-404-962/17**
Sarajevo, 20.06.2017. godine

IZVRŠILAC
DIREKTORICA


Branka Baltić